

IOACHIMI

CAMERARII IN PARTITIONES
Ciceronianas commentatiunculæ.

PRIMUM aliquid, etiam à nobis, dicendum est, de nomine huius libelli: Et quid sit partitio oratoria. Ac sciendum omnia quæ distribuuntur, aut complecti plura ut multiplicia ipsa quodammodo sint, aut singula constare de partibus quibusdam. Illa generis aut formæ appellatione notantur, quæ sunt γένος & εἶδος. hæc totius habent nomen, id est, ὅλον & παντός. Priora diuiduntur in ea quæ includunt, id est, in quibus ueluti dilatata conspiciuntur, ut genera in formas, formæ in singula. quæ propriè διαίρεσις dicitur. Totum autem in partes seu membra distribuitur. Ideo Fabius facit lib. VII. diuisionem rerum plurimarum in singulas, partitionem singularum in partes, discretum ordinem & rectam quandam collationem prioribus sequentia annectentem. Partium autem enumeratio, totius naturam ostendit & explicat. Ut si quærat de corpore animalis, & memorentur partes illius, Caput, pectus, uenter. Sic partes orationis dicuntur quibus oratio constat, nomen & uerbum. Est autem in
suo